



Svein Vik

6140 SYVDE

Vanylven kommune - løyve til utsetting av nordmannsedelgran for juletreproduksjon gnr88 bnr13 Svein Vik

Fylkesmannen i Møre og Romsdal gjev Svein Vik løyve til utsetting av nordmannsedelgran for juletreproduksjon på gnr 121 bnr 2 i Vanylven kommune. Løyvet gjeld for planting av 1000 stk. tre på eit samla areal på ca. 4,5 daa, UTM 6985500 414900, jf. avmerka areal i vedlegget til søknaden.

Løyvet er gitt i medhald i §§ 4 og 5 i "*Forskrift om utsetting av utenlandske treslag til skogbruksformål*". Det er sett vilkår til løyvet.

Vi viser til søknad datert 04.04.2013. Søknaden gjeld utsetting av nordmannsedelgran (*Abies normanniana*) på eigedommen 88/13 i Vanylven kommune. Plantefeltet er avmerka i kartvedlegget til søknaden. Formålet med utsettinga er juletreproduksjon. Søknaden gjeld 1000 stk tre på to delareal.

Utsetting av utenlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er å hindre at utsetting av utenlandske treslag medfører eller kan medføre uheldige følger for naturmangfoldet, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følger for naturmangfoldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følger for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følger for det biologiske mangfaldet, jf. § 7 i forskrifta. Utplanting av utenlandske treslag kan ha ein negativ påverknad på naturmangfoldet ved å endre den naturlege artssamansetnaden og dei økologiske funksjonane på staden.

Kunnskapsgrunnlaget (NML § 8)

Nordmannsedelgran er klassifisert av Artsdatabanken som ein art som ikkje vil reprodusere i Noreg dei kommande 50 åra. Arten har per i dag ikkje nokon påverknad på norsk natur ut over den effekten dei har på det arealet dei blir planta på.

I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er ut frå dette også ingen fare for spreiding av denne arten til naturen kring felta.

Vi har vurdert dei naturfaglege kvalitetane til planteareala. Arealet lengst i nordvest går ned mot Vikelva og osen til denne. Osen er registrert i Naturbase som viktig for ulike vadefuglar. Vidare kan det sjå ut som om feltet kjem heilt ned mot Vikelva. Det er viktig å ha kantvegetasjon mot vassdraga for å redusere avrenning og sikre det biologiske mangfaldet i sona mellom vatn og land. Ein juletreplantasje vil ikkje utgjere ein slik kantvegetasjon, og her må det kunne etablerast stadeigen vegetasjon. Ut over dette vil ikkje plantinga medføre spesielle landskapsmessige endringar.

Ut frå føreliggande kunnskap vil dette ikkje medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var-prinsippet er lite.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforring (NML § 11)

Svein Vik kan påleggast å fjerne utilsikta spreiding av utplanta nordmannsedelgran. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiding. I tillegg er den som har fått løyvet til utsetting pliktig til å føre internkontroll, jf. § 10 i forskrifta.

Konklusjon

Vi vurderer det til å vere små negative effektar på naturmangfaldet i utsettingsområdet som følgje av planting av nordmannsedelgran. Med bakgrunn i opplysningane i søknaden og kunnskapsgrunnlaget, vurderer vi spreidingsfaren som låg, og faren for negative økologiske effektar som liten dersom ein sikrar ein naturleg kantvegetasjon mot Vikelva.

Fylkesmannen i Møre og Romsdal gir Svein Vik etter dette løyve til utsetting av nordmannsedelgran på gnr 88 bnr 13 som omsøkt. Løyvet gjeld for 1000 stk. tre på to areal med plassering ca UTM 688920 330530 og ca. 688850 331260. Vi viser til avmerka areal i vedlegget til søknaden, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) I det nordvestlege feltet skal det ikkje plantast med ein avstand nærare Vikelva enn 6 meter, målt frå toppen på elveskråninga. Føremålet med dette er å sikre naturmangfald og ferdsel langs elva, samt å hindre avrenning. Dersom det vert lagt traktorveg el. i enden av feltet, skal vegen ikkje leggjast i dette vegetasjonsbeltet.
- 2) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Feltet skal uansett ryddast innan år 2027.
- 3) Det er ikkje tillate å fjerne tre med voksedyktig rot frå feltet. Dette skal hindre ukontrollert spreiding av artane.
- 4) Dersom det vert oppdaga spreiding av tre utanfor plantefelta, skal desse fjernast, og Fylkesmannen i Møre og Romsdal må varslast.
- 5) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan påklagast til Direktoratet for naturforvaltning innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Ulf Lucasen (e.f.)
seksjonssjef

Ola Betten

Dokumentet er elektronisk godkjent og har ingen signatur.

Kopi:

Vanylven kommune

Rådhuset

6143

FISKÅBYGD

Direktoratet for naturforvaltning

Postboks 5672 Sluppen

7485

TRONDHEIM